

Uns woidns hoin


Unta Spezen hamma Gaude gmacht, und hama gsogt mia woin
An Goidtransport vom Supermarkt nächstn Samstag übafoin.
Ham oiss genau ausgmacht, und dabei sovui glacht
und dann samma auf a grouse Party ganga

Mia ham de Nacht genossen,
bis Hundert Greane mit Maschinepistoin
des Fest iwafoin, drei Leit daschossn,
mia ham uns glei gschlich, wei uns woidns hoin.

Unta Spezen hamma Gaude gmacht, und hamma gsogt mia woin
In unsa gschdingade U-Bahn a paar Koffer einestoin
Ham oiss genau besprocha, und war ma fast obbrocha
und dann samma zum Italiana ganga

Ham grad an Grappa genossen,
bis Hundert Greane mit Maschinepistoin
den Lodn iwafoin, an Koch daschossn,
mia ham uns glei gschlich, wei uns woidns hoin.

**Die Bundesgedankenpolizei hot an Überwachungscomputer
dea über de Handys olle Gespräche und Gedanken
von de Leid aufzeichnet
sogar wens gor net telefonieren,
ja sogar wens Handy ausscheut is.
Bei gefährliche Gedanken gibts Alarm.
Dann kimmt as Gedankeneingreifkommando
und schaut nochm Rechten oda noch de Rechten**



Unta Spezen hamma Gaude gmacht,
und hama gsogt mia woin
Den Penna vo Innenminista
aus seim Tiafschlaf aussahoin.
Wieda oiss genau ausgmacht
und uns ins Fäustchen glacht
und dann samma zo de Nazi ganga

Hams net grad recht genossen,
bis endlich de Greana mit eanane Maschinepistoin
ganz unverdrossen, an Redner daschossn,
vui Glatzn san gfoin, oba uns woidns hoin.

Gnaden
KAPITEL